



KOMORA MAGISTARA FARMACIJE FEDERACIJE BOSNE I HERCEGOVINE

Broj: 01-D-175/17

Datum: Sarajevo, 29.09.2017.

PREDMET: PRVA OBAVIJEST O IX SIMPOZIJU MAGISTARA FARMACIJE FEDERACIJE BiH,

Poštovane kolegice i kolege,

Obavještavamo vas da je Upravni odbor Komore magistara farmacije FBiH na VII. sjednici održanoj 29.09.2017. godine donio Odluku da se IX Simpozij magistara farmacije, u organizaciji Komore, održi u Sarajevu u Hotelu Hills na Ilidži u periodu od 17. do 19. novembra 2017. godine (petak - nedjelja). Tema Simpozija je „Utjecaj hrane i suplemenata na ishode terapije sa lijekovima“.

Hronične bolesti predstavljaju najveći teret zdravstvenim sistemima razvijenih zemalja i zemalja u razvoju. Neadekvatna prehrana i životni stil važni su faktori rizika koji se mogu modificirati, a prehrana i suplementacija prilagođena potrebama pojedinca može poboljšati terapijske ishode te unaprijediti zdravlje i psihofizičke sposobnosti. Farmaceuti su zdravstveni radnici te kao dio zdravstvenog tima treba da učestvuju u svim aktivnostima usmjerenim ka očuvanju i unapređenju zdravlja, između ostalog i kroz savjetovanje pacijenata o adekvatnoj prehrani i primjeni dijetetskih suplemenata. Kao interdisciplinarno obrazovani stručnjaci, treba da učestvuju i u naučnim istraživanjima, razvoju i formulaciji suplemenata i posebnih kategorija hrane namijenjenih poboljšanju određenih fizioloških funkcija i kvaliteta života pacijenta. Konačno, farmaceuti su zdravstveni profesionalci koji su najkompetentniji za obavljanje kontrole proizvodnje, kvaliteta i označavanja te postmarketinškog praćenja dijetetskih suplemenata, kao i formuliranje zakonske regulative takvih proizvoda. U praksi, međutim, ove kompetencije farmaceuta često nisu adekvatno prepoznate. Zadatak je struke da intenzivno radi na promociji, kao i kontinuiranom razvoju kompetencija s ciljem osiguranja



KOMORA MAGISTARA FARMACIJE FEDERACIJE BOSNE I HERCEGOVINE

pozicije magistra farmacije kao važnog, čak i vodećeg stručnog profila u ovoj oblasti. Nadamo se da ćete svojim prisustvom na Simpoziju doprinijeti ostvarivanju ovog cilja kroz diskusiju, razmjenu mišljenja i iskustava na ovu veoma aktuelnu temu.

Učešće na Simpoziju bit će bodovano od strane Komore magistara farmacije FBiH u skladu sa važećim Pravilnikom.

Kotizacija (uključuje, materijale, kafe pauze, obroke i Svečanu večeru)	Iznos sa PDV-om*
Rana kotizacija (uplata do 10.11.2017.)	120,00 KM*
Kasna kotizacija (uplata od 11.11. do 17.11.2017.)	150,00 KM*

Uplatu kotizacije potrebno je izvršiti na transakcijski račun Komore magistara farmacije FBiH broj: 1610000130080018 kod Raiffeisen banke ili broj: 1322602012459704 kod NLB banke sa naznakom „Kotizacija za simpozij (ime i prezime)“.

Za dodatne informacije molimo da nas kontaktirate putem e-maila: farmaceutskakomora@bih.net.ba ili na kontakt telefone: 033/207-384 ili 033/ 209-832.

Radujemo se Vašem učešću i našoj saradnji!

Predsjednik Komore magistara farmacije FBiH

Prim.mr.sci. Zahida Binakaj, mr.ph.